



JU UNIVERZITET U ZENICI

**IZMJENE I DOPUNE
ETIČKOG KODEKSA
UNIVERZITETA U ZENICI**

Zenica, juli 2013. godine

Na osnovu člana 53. stav (2) tačka a) Zakona o visokom obrazovanju ("Službene novine" Zeničko-dobojskog kantona, broj: 6/09), člana 19.a stav 2. alineja 2. Zakona o JU Univerzitet u Zenici ("Službene novine Zeničko-dobojskog kantona", broj: 6/05, 11/06, 06/09, 10/11, 16/11 i 15/12) i člana 63. stav (2) tačka b) Statuta Univerziteta u Zenici, Senat Univerziteta u Zenici na 07. sjednici održanoj 17.07.2013.godine usvojio je

**IZMJENE I DOPUNE
ETIČKOG KODEKSA
UNIVERZITETA U ZENICI**

Član 1.

U Etičkom kodeksu Univerziteta u Zenici, broj: 01-108-720-1106/13 od 27.03.2013. godine član 30. (Pokretanje postupka) mijenja se i glasi:

„Član 30.

(Pokretanje postupka)

(1) Postupak za utvrđivanje povrede nekog od načela Etičkog kodeksa Univerziteta pokreće se podnošenjem prijave o učinjenoj povredi tijelima za provedbu Etičkog kodeksa Univerziteta iz člana 29. ovog Etičkog kodeksa, potpisane od strane podnosioca prijave, a koja mora sadržavati tačan i precizan opis pitanja o kojem je riječ, konkretne okolnosti slučaja i djelovanja odnosno ponašanja suprotno odredbama Etičkog kodeksa, s prilogom relevantnih dokaza i materijala o učinjenoj povredi, kao i s navodima odredbi Etičkog kodeksa.

(2) Tijela za provedbu Etičkog kodeksa Univerziteta iz člana 29. ovog Etičkog kodeksa neće uzimati u razmatranje anonimne prijave.

(3) Prijavu o povredi nekog od načela Etičkog kodeksa Univerziteta podnosi:

a) rektor Univerziteta i dekan/direktor organizacione jedinice Univerziteta za povredu učinjenu od strane nastavnika i saradnika Univerziteta, prema vlastitoj inicijativi ili na inicijativu drugih tijela ili članova univerzitetske zajednice,

b) dekan organizacione jedinice Univerziteta za povredu učinjenu od strane studenata, prema vlastitoj inicijativi ili na inicijativu drugih tijela ili članova univerzitetske zajednice,

c) neposredni rukovodilac (rektor, dekan, direktor) za povredu učinjenu od strane zaposlenika iz reda nenastavnog osoblja Univerziteta, prema vlastitoj inicijativi ili na inicijativu drugih tijela ili članova univerzitetske zajednice,

d) naučno-nastavno/umjetničko-nastavno vijeće fakulteta, odnosno naučno vijeće Instituta, većinom glasova od ukupnog broja članova, za povredu učinjenu od strane dekana fakulteta, odnosno direktora Instituta Univerziteta, na inicijativu članova naučno-nastavnog/umjetničko-nastavnog vijeća fakulteta, odnosno naučnog vijeće Instituta, drugih tijela ili članova univerzitetske zajednice,

e) Senat Univerziteta, većinom glasova od ukupnog broja članova, za povredu učinjenu od strane rektora Univerziteta, na inicijativu članova Senata Univerziteta, drugih tijela ili članova univerzitetske zajednice.

(4) Prijava o učinjenoj povredi podnosi se tijelima za provedbu Etičkog kodeksa Univerziteta najkasnije u roku od 30 (trideset) dana od dana učinjene povrede, a u slučaju dostavljanja prijave izvan utvrđenog roka ista se odbacuje zaključkom kao neblagovremena.

(5) Ako u povodu inicijative drugih tijela ili članova univerzitetske zajednice ovlaštene osobe i tijela iz stava (3) tačke a), d) i e) ne podnesu prijavu nadležnom tijelu za provedbu Etičkog kodeksa Univerziteta u roku od 30 dana, inicijator se može obratiti Etičkoj komisiji, koja je u tom slučaju ovlaštena, ako to smatra potrebnim, sama provesti odgovarajući postupak.

Član 2.

U članu 31. (Postupak Etičke komisije po blagovremenoj prijavi) stav (1) brojna oznaka i riječ „7 (sedam)“ zamjenjuju se brojnom oznakom i riječju „30 (trideset)“.

Član 3.

U članu 33. (Postupak disciplinske ad-hoc komisije po blagovremenoj prijavi) stav (1) brojna oznaka i riječ „7 (sedam)“ zamjenjuju se brojnom oznakom i riječju „30 (trideset)“, iza kojih se dodaje nova riječ „dana“.

Član 4.

Ostale odredbe Etičkog kodeksa Univerziteta u Zenici ostaju nepromijenjene, a isti stupa na snagu narednog dana od dana objavljivanja na WEB stranici Univerziteta u Zenici.

Zenica, 17.07.2013. godine

Broj: 01-108-720-2207/13

Predsjedavajući Senata

Prof.dr.sc. Halid Kurtović